



INI A/S-ip, Illuut A/S-ip kiisalu Namminersorlutik Oqartussat illuutaannik aallaqqaataasumik akiliutigineqartartut kattunneqarnissaat pillugu Naalackersuisut UPA2020-mut pilersaarudioqqullugit peqquneqarnissaannik Inatsisartut aalajangiiffissaattut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

(Siullermeerneqarnera)

Demokraatini kissaatigaarput Namminersorlutik Oqartussat inissiaataat kommuninut tunniunneqassasut, sullissineq attartortitsisarnerlu pisarniassammata innuttaasut qanillugit. Neriuppugut tamanna pillugu misissuinerit isumaqatigiinniarnerrillu naammassilertorneqarsinnaajumaartut, pisarput piviusunngortinneqarsinnaaqqullugu.

Innuttaasut pillugit immikkoortoq ingerlallualertariaqarpoq taamaasilluni pisortat inissiaataat pitsaanerulerniassammata, tamanna pisortat inissiaataanni najugaqartut peqqinnerulernerannik kinguneqassaaq aamma naleqarnerusumik inuuneqalernerannik.

Inatsisartunut ilaasortap Aqqaluaq B. Egedep matumani siunnersuutigaa, INI A/S aamma Illuut A/S ataatsimoortinneqalissasut. Taamatulli pisoqassappat takujuminaappoq inuiaqatigiit sukut iluaquserneqassanersut. Demokraatini isumaqarpugut tamanna piffissaajaatigissanngikkippat nukinnilluunniit atuiffigissanngikkippat - politikkikkut allaffissornikkulluunniit.

Isumaqarpugut nukigut atortariaqarigu pisortat inissiaataasa kommuninut tunniunneqarnissaannut.

Taamatut oqaaseqarluta inassutigaarput siunnersuut itigartinneqassasoq.